



Aqqalu C. Jerimiassen

UPA 2022/28_1

Atassut

28. april 2022

Napparsimasup najugaqarfimmi avataani misissorneqarnerani katsorsarneranilu kiffartuussinerit pillugit Namminersornerullutik Oqartussat nalunaarutaat nr. 2, 24. januar 2005- meersumi §9 meeqqanut arfinillit inorlugit ukiulinnut ingiaqataasinnaasut inuit marlungortinnissaanik Naalakkersuisunut allanngorteqqullugu aalajangiiffigisassatut siunnersuut.

(Inatsisartunut ilaasortaq Agathe Fontain, Inuit Ataqtigiit)

Nappaatit qaqugukkulluunniit kinaassusersioratik kimulluunniit takkussinnaasarput, aqqusaakkallu taamaattoqartillugu kikkorpassuarnut eqquinerluttarput annertoqisumik.

Meeqqap kialluunniit anaanamik ataatamilluunniit ingiallorteqarnissani atorfissaqartipaa oqimaattumik nalaataqartilluni. Siunnersuullu ima ittoq isiginngitsuusaaginnangassaangilaq. Inuit tapersortariallit qitiutillugit suliniuteqartariaqarpugut.

Suliallu peqqissaarullugu misissorneqartariaqarnera ataatsimiitsitaliakku avaqqukkuminaattoq takorloorsinnaalereerparput.

Atassummiit siunnersuut kivisiinnarusunnigilarput, toqqammaviatigut peqqinnissaqarfitsinni ulapaarfioreeqisumi sulisuusut suliasatik suliarisinnaasussaammatikkit, peqqissartullu katsorsarneqartut ingiallorteqarnermikkut sulisuusunut oqilisaataasumik sunniuteqarsinnaanissaat ilimanaateqarmat.

Taamatut oqaaseqarluta Atassummiit siunnersuut Ilaqutariinnermut Peqqissutsimullu ataatsimiitsitaliamut innersuupparput.